

ADYAYA I

PURWAKA

1.1 DADALAN PIKOBET

Pandemi Covid-19 pinaka sinalih tunggil grubug sane nglimbak saking warsa 2020 kantos mangkin ring panagara Indonesia. Covid-19 (*coronavirus disaese*) kawentenanyane wit saking Kota Wuhan, Cina, Desember 2019. Virus puniki taler *menular* tur *menginveksi* para jadma saha *menular* ngenain akeh panegara sane wenten ring gumi sakadi ring Indonesia. Kawentenan Covid-19 ring panagara Indonesia kuningin pinanggal 2 Maret 2020, ri kala wenten kalih krama Indonesia sane *tertular* saking krama Jepang. Ring pinanggal 9 April 2020, pandemi sayan nglimbak kantos ka 34 provinsi sakadi DKI Jakarta, Jawa Barat, miwah Jawa Tengah sane dados provinsi sane akeh kramanyane *terpapar coronavirus disaese*.

Kawentenan Pandemi Covid-19 sane sayan nglimbak punika ngiyusin panglaksana pamlajahan ring panagara Indonesia. Kawentenan punika kajantenang sajeroning Surat Edaran No. 4 Tahun 2020 indik *Pelaksanaan Kebijakan Pendidikan dalam Masa Darurat Penyebaran Corona Virus Disease* sane nyantenang indik panglaksana Ujian Nasional, *pembelajaran dari rumah*, ujian sekolah, *kenaikan kelas*, miwah *penerimaan peserta didik baru*. Manut saking sinalih tunggil daging Surat Edaran punika, kajantenang indik panglaksana pamlajahan saking jero soang-soang. Punika sane ngawinang,

kamedalang panglaksana *pembelajaran daring* antuk sekolah ring sajabag panegara Indonesia.

Surat Edaran punika nyantenang *pembelajaran daring* sane wenten ring Provinsi Bali patut kalaksanayang antuk guru miwah sisia. Gubernur Bali Wayan Koster pinanggal 16 Maret 2020 mapakeling mangda krama Bali nglaksanayang *Social Distencing Measure* sumangdane para krama nenten nglaksanayang parikrama (*aktivitas*) ring pakraman (*luar rumah*) miwah malancaran. Punika taler *proses* pamelajahan konvensional se-Bali kalaksanayang ring jero soang-soang sane ngawigunayang media pamelajahan *daring (dalam jaringan)* utawi *online learning*. Ring *proses pembelajaran daring* dudonan pamelajahan sakadi ngicen *materi, tugas, latihan*, miwah *penilaian* kalaksanayang ring jero soang-soang antuk ngawigunayang *teknologi informasi* utawi *komunikasi* sakadi *online learning*.

Pembelajaran sadurungnyane sane kalaksanayang *konvensional* utawi *tatap muka* sane mangkin gelis magentos dados *pembelajaran daring*. Kawentenan punika ngawinang para guru patut nginutin (*menyesuaikan*) tur marasa abot (*kewalahan*) ri kala nglaksanayang pamelajahan. Indike puniki sane ngawinang *faktor psikologis* sakadi kesayagayan guru miwah sisia nenten becik sajeroning nyarengin pamelajahan. Kawentenan punika kacihnayang antuk *guru* marasa meweh nglaksanayang *pembelajaran daring* santukan guru nenten wenten kesayagayan, minakadi kesayagayan *perangkat dalam kondisi khusus*.

Sakadi sane sampun kuningin, *pembelajaran* ri kala *Pandemi Covid-19* sane sampun mamargi kirang langkung awarsa kabaos prasida kalaksanayang nganutin *alokasi waktu* sane wenten ring silabus. Ring *masa Pandemi Covid-19* *pembelajaran* mangda tetep kalaksanayang nganutin Kurikulum Darurat.

Menteri Pendidikan dan Kebudayaan Nadiem Makarim ring *Webinar 'Penyesuaian Kebijakan Pembelajaran di Masa Pandemi Covid-19'* maosang pamelajahan ring masa pandemi kalaksanayang sakadi *daring* antuk ngawigunayang Kurikulum Darurat. Kurikulum Darurat kanggen *menyederhanakan standar pencapaian dan kompetensi dasar saha mempermudah proses pembelajaran jarak jauh (PJJ)*. Ri sajeroning pamelajahan guru taler prasida nyiagayang pamelajahan mangda siswa tetep seneng ri kala malajah yadiastun kari ring masa *Pandemi Covid-19*.

Ring provinsi Bali akeh sekolah sane sampun becik nglaksanayang *pembelajaran daring*, kuningin saking kasayagayan guru sane becik sajeroning pamelajahan. Manut Slameto (2013), kesayagayan inggih punika *kondisi* jadma sane sampun sayaga uatwi *siap* ngicen panampen miwah *jawaban* ri sajeroning parikrama nganutin *situasi*. Kesayagayan kabaos *kesediaan*, inggih punika jadma sane sadia ngicen panampen sane madasar antuk *percaya diri* sane prasida manggihin *kesuksesan* parikrama. Punika taler kesayagayan ring *proses* pamelajahan dahat kabuatang tur kasayagayang mangda *matang* sumangdane prasida manggihin *proses* pamelajahan sane becik nganutin tatujon pendidikan. Ri kala guru miwah siswa sampun sayaga ri sajeroning panglaksana parikrama pamelajahan pastika pikolih pamelajahan kabaos becik.

Kawentenan *pembelajaran daring* taler kamargiang ring sekolah sajabag Kota Denpasar. Panglaksana *pembelajaran daring* punika kamargiang sakadi ring SMP Negeri 11 Denpasar. *Pembelajaran daring* punika prasida kalaksanayang manut sareng *kalender pendidikan* sane kamedalang antuk Dinas Pendidikan Kepemudaan dan Olahraga (Disdikpora) Kota Denpasar. Soangsoang *mata pelajaran* punika kalaksanayang nganutin *jadwal khusus* ring masa

pandemi. Punika taler ring pamlajahan Basa Bali. Panglaksana pamlajahan basa Bali punika kabaosang mamargi becik kacihnayang antuk kasayagayan guru Basa Bali ring SMP Negeri 11 Denpasar. Punika sane ngawinang, guru basa Bali ring sekolah punika kabaos sayaga nglaksanayang *pembelajaran daring*.

Kawentenan kasayagayan guru basa Bali sajeroning *pembelajaran daring* ring SMP Negeri 11 Denpasar kabaos becik kanggen tetilikan. SMP Negeri 11 Denpasar inggih punika sekolah sane magenah ring panepi Kota Denpasar. Sekolah punika magenah ring Pulo Serangan sane kajantenang meweh antuk *signal* sane kanggen komunikasi. Punika taler piranti paplajahan saking sisia marupa *smartphone / HP* taler kejantengan akidik sisia sane nuenang. *Yadiastun* sakadi punika kawentenannyane, pamlajahan basa Bali sajeroning *pembelajaran daring* ring SMP Negeri 11 Denpasar mamargi antar. Antuk punika, panilik meled nilikin indik *pembelajaran daring mata pelajaran* Basa Bali ring SMP negeri 11 Denpasar sane mapaiketan sareng kesayagayan, *proses pembelajaran*, miwah pikolih pamlajahan.

1.2 NGREREH PIKOBET

Sajeroning tetilik puniki, panilik ngrereh makudang-kudang pikobet sane mapaiketan sareng dadalan pikobet sane sampun kabahbahang ring ajeng. Pikobet sane sampun karereh mangda mapaiketan sareng *Pembelajaran Daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19. Pikobet sane sampun karereh minakadi, (1) Sapunapi pidabdab guru ri kala nglaksanayang *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19? (2) Sapunapi panglaksana

pembelajaran daring sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19? (3) Sapunapi pikolih saking panglaksana *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19?

1.3 NGWATESIN PIKOBET

Sajeroning tetilikan sane jagi kalaksanayang, panilik nureksain malih pikobet sane sampun karereh. Pikobet punika kawatesin santukan wenten makudang-kudang parindikan minakadi, tetilikan kabanda antuk galah, ngicenin galah majeng ring panilik tiosanan mangda nyangkepin miwah maripurnayang tetilikan puniki, miwah sane tiosanan. Pikobet sane jagi katlatarang wenten sajeroning pikobet ring sor.

1.4 BANTANG PIKOBET

Malarapan antuk dadalan pikobet sane kawedar ring ajeng, bantang pikobet sane prasida kapalihang inggih punika:

1. Sapunapi pidabdab guru ri kala nglaksanayang *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19?
2. Sapunapi panglaksana *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19?
3. Sapunapi pikolih saking panglaksana *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19?

1.5 TATUJON TETILIK

Malarapan antuk bantang pikobet ring ajeng, tatujon tetilikan puniki inggih punika:

1. Mangda prasida nguningin pidabdab guru ri kala nglaksanayang *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19.
2. Mangda prasida nguningin panglaksana *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19.
3. Mangda prasida nguningin pikolih saking panglaksana *pembelajaran daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19.

1.6 KAWIGUNAN TETILIK

Kawigunan tetilikan sane mamurda "*Pembelajaran Daring* sajeroning Paplajahan Bahasa Bali ring SMP Negeri 11 Denpasar ri kala Pandemi Covid-19" puniki wenten kalih, inggih punika 1) Kawigunan pamucuk, 2) Kawigunan panglimbak, sekadi ring sor:

1.6.1 Kawigunan Pamucuk

Pikolih tetilikan puniki kaaptiang mawiguna ring sajeroning panglimbak widia pamelajahan *daring (dalam jaringan)*, kaaptiang mawiguna ring panglimbak kaweruhan inggih punika widia pangajah-ajah

(*Ilmu Pendidikan*), taler mawiguna majeng ring para guru ri sajeroning nyayagayang pamelajahan sekadi pamelajahan Basa Bali.

1.6.2 Kawigunan Panglimbak

Kawigunan panglimbak sane kapolihang saking tetilik puniki inggih punika

a. Majeng ring sekolah

Tetilikan puniki kadadosang sesuluh sane mawiguna majeng ring sekolah indik pidabdab pangajah-ajah sane patut kalaksanayang anggen nincapang kapatutan pamelajahan Basa Bali.

b. Majeng ring Guru

Tetilikan puniki kaaptiang mangda prasida kanggen *referensi* ri sajeroning pangajah-ajah utaminyane ri kala nyayagayang pamelajahan sane berbasis *daring* sakadi pangrencana, panglaksana, ngantos pikolih pamelajahan inggih punika Basa Bali.

c. Majeng ring Sisia

Tetilikkan puniki mangda prasida ngwantu sisia uning kesayagayan sadurung nglaksanayang pamelajahan *daring* taler mangda prasida uning tata cara melajah *daring (dalam jaringan)*.

d. Majeng ring Panilik sane Tiosan

Pikolih saking tetilikan puniki mangda prasida kanggen pratiwimba olih panilik sane madue arsa utawi pikayun nglaksanayag tetilik sane mapaketan sareng tetilikan puniki.